

素問縣解

卷十一
卷十二

素問懸解目錄

卷一

上古天真論 一 養生

四氣調神論 二

金匱真言論 三

生氣通天論 四

陰陽應象論 五

卷二

十二藏相使論 六 藏象

五藏別論 七

五藏生成論 八

藏氣法時論 九

宣明五氣 十

經脈別論 十一 脈法

三部九候論 十二

平人氣象論 十三

脈要精微論 十四

卷三

玉機真藏論 十五 脈法

通評虛實論 十六

診要經終論 十七

玉版論要 十八

陰陽別論 十九

大奇論 二十

卷四

陰陽離合論 二十一 經絡

血氣形志 二十二

太陰陽明論 二十三

脈解 二十四

陽明脈解 二十五

皮部論 二十六

經絡論 二十七

氣穴論 二十八 孔穴

氣府論 二十九

水熱穴論 三十

骨空論 三十一

卷五

風論 三十二 病論

痺論 三十三

痿論 三十四

厥論 三十五

欬論 三十六

癰論 三十七

熱論 三十八

評熱病論 三十九

卷六

舉痛論 四十 病論

氣厥論 四十一

逆調論 四十二

腹中論 四十三

病能論 四十四

奇病論 四十五

標本病傳論 四十六

本病論 四十七

湯液醪醴論 四十八 治論

移精變氣論 四十九

異法方宜論 五十

卷七

寶命全形論 五十一 刺法

鍼法 五十二

八正神明論 五十三

離合真邪論 五十四

四時刺逆從論 五十五

刺法論 五十六

刺志論 五十七

刺禁論 五十八

刺要論 五十九

刺齊論 六十

長刺節論 六十一

卷八

調經論 六十二 刺法

繆刺論 六十三

刺瘡 六十四

刺熱 六十五

刺腰痛 六十六

卷九

陰陽類論 六十七 雷公問

著至教論 六十八

示從容論 六十九

疏五過論 七十

徵四失論 七十一

方盛衰論 七十二

解精微論 七十三

卷十

六節藏象論 七十四 運氣

天元紀大論 七十五

五運行大論 七十六

六微旨大論 七十七

卷十一

氣交變大論 七十八 運氣

五常政大論 七十九

卷十二

至真要大論 八十 運氣

卷十三

六元正紀大論 八十一 運氣

後附校餘偶識一卷

素問懸解目錄終

素問懸解卷十一

昌邑黃元御解

氣交變大論

六微旨論言人者求之氣交氣有勝復勝復之作有用有變此論專言氣交之變故

取名如此

黃帝問曰五運更治上應天晷陰陽往復寒暑迎隨眞邪相薄內外分離六經波蕩五氣傾移太過不及專勝兼并願言其始而有常名可得聞乎

五運代治上應天干逐年輪轉各終晷日其間陰陽往復寒暑迎隨變化相乘愆伏失正因而眞邪薄迫內外相離六經波蕩五氣傾移則人受其災矣而其氣運循環盛衰不同太過則專勝乎已不及則兼并於人願言其乖違之

始而令有一定之名使天道昭著人得遵守也

岐伯稽首再拜對曰昭乎哉問也是明道也此上帝所貴先師傳之臣雖不敏往聞其旨

上帝天帝先師僦貸季也

帝曰余聞得其人不教是謂失道傳非其人慢泄天寶余誠菲德未足以受至道然而眾子哀其不終願夫子保於無窮流於無極余司其事則而行之奈何

眾子百姓也不終不得終其天年也帝欲岐伯傳運氣之法保赤子於無窮流恩澤於無極帝主司其事則而行之以惠萬民也

岐伯曰請遂言之也上經曰夫道者上知天文下知地理中

知人事可以長久此之謂也

道者有道者也

帝曰何謂也岐伯曰本氣位也位天者天文也位地者地理也通乎人氣之變化者人事也故太過者先天不及者後天所謂治化而人應之也

位於天者謂之天文位於地者謂之地理天降地升人在其中通於人氣之變化者人事也五運之治化居天地上下之間與人同位故其太過者先天不及者後天而人應之也

運氣即人氣也

帝曰五運之化太過何如岐伯曰歲木太過風氣流行脾土受邪民病飧泄食減體重煩冤腸鳴腹支滿土應歲星甚則

忽忽善怒眩冒巔疾衝陽絕者死不治化氣不政生氣獨治
雲物飛動草木不甯甚而搖落反脇痛而吐甚上應太白星
風木太過則剋脾土脾敗不能消化水穀故飧泄腸鳴肝
位在左土被木賊脾氣不運故左脇支滿歲星木星也肝
主怒故忽忽善怒厥陰之脈會於巔故眩冒巔疾衝陽足
陽明胃經動脈在足跗上仲景謂之跗陽木賊土敗故死不治土主化
木主生化氣失政生氣獨治雲物飛動草木不甯風木太
過溼土被賊則燥金來復故草木搖落反脇痛而吐甚肝
脈循脇肋上行脇痛者肺金剋肝木也太白金星也

歲火太過炎暑流行肺金受邪民病瘧少氣欬喘血溢血泄
注下嗌燥耳聾中熱肩背熱上應熒惑星甚則胸中痛脇支

滿脇痛膺背肩胛間痛兩臂內痛身熱骨痛而爲浸淫太淵
絕者死不治收氣不行長氣獨明雨水霜寒病反譖妄狂越
欬喘息鳴下甚血溢寫不已上應辰星

熱火太過則剋肺金肺病不能下降收斂失政故少氣欬
喘血溢大腸不斂故血泄注下足少陽從相火化氣其脈
下耳循頸入缺盆相火上炎故嗑燥耳聾肺氣逆行上衝
肩背故肩背熱熒惑火星也肺居胸中自右脇下行故胸
中痛右脇支滿而痛胸前曰膺肩後曰胛肺脈從臂內下
行肺經逆衝故膺背肩胛臂內皆痛熱淫瘡生皮內淫爛
黃水流溢隨處浸潰則曰浸淫太淵手太陰肺經動脈卽
寸口之關部也金主收火主長收氣不行長氣獨明熱火

太過燥金被賊則寒水來復故雨水霜寒水勝火奔拔根
上炎故譫妄狂越欬喘息鳴水旺土敗升降倒行金逆則
血溢於土木陷則血寫於下辰星水星也

歲土太過雨溼流行腎水受邪民病腹痛清厥意不樂體重
煩冤上應鎮星甚則肌肉萎足痿不收行善癰脚下痛飲發
中滿食減四支不舉太谿絕者死不治變生得位藏氣伏化
氣獨治泉湧河衍涸澤生魚鱗見於陸風雨大至土崩潰病
腹滿溇泄腸鳴反下甚上應歲星

溼土太過則剋腎水土鬱脾滯故腹痛脾主四支四支諸
陽之本脾氣四達故手足溫脾病不能行氣於四支故手
足清厥脾主憂故不樂鎮星土星也脾主肌肉溼旺脾鬱

故肉萎癭筋脈急縮也溼盛則水停氣阻故飲發中滿太

谿足少陰腎經動脈

在內踝後陷中

土無專宮寄旺四季之月各

十八日是卽其位也土主化水主藏變生而得土旺之位
藏氣伏化氣獨治泉湧河衍涸澤生魚鱗見於陸溼土太
過寒水被賊則風木來復故風雨至土崩潰肝木剋脾土
故腹滿漉泄腸鳴反下甚也

歲金太過燥氣流行肝木受邪民病胸痛引背兩脇下滿痛
引少腹目赤眦瘍耳無所聞上應太白星甚則喘欬逆氣肩
背痛尻陰股膝髀腠胝足皆痛太衝絕者死不治收氣峻生
氣下草木斂蒼乾凋隕病反肱脇暴痛不可反側欬逆甚而
血溢上應熒惑星